



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

XVII. Quánam aetate praeceptum Confessionis coeperit obligare.

urn:nbn:de:hbz:466:1-30362

Caput I. De Necessitate

tere, quàm commissa non confiteri; sed tali poena non animadvertitur in eos, qui venialia committunt. Igitur multò minùs contra eos, qui venialia cõmissa non confitentur.

Quaestio XVII. Quanam aetate praeceptum Confessionis obligare coepit?

Responsio. IS ex praecepto Ecclesiae ad peccatorum Confessionem faciendam tenetur, qui ea aetate & animi vigore est, vt discretiõis iudicio bonum à malo, & iustitiã ab iniquitate cognoscat. Et rectè: Quo modo enim aliõ qui peccatum confitebitur, is, qui aetatem, & mentis imbecillitatem, vtrum peccatum sit, aut nõ sit, discernere minimè potest? Vsq; ad legem, inquit Paulus, peccatũ erat in mundo, peccatum autem non imputabatur, cùm lex nõ esset. Quare nõ imputabatur? Quia, vbi non est lex, nec prauaricatio. Cùm igitur voluntarium sit peccatum, & contra legem, siue in cordibus, siue in tabulis conscriptam, perpetratur, vbi neq; voluntas est, quæ peccatum agnoscat, & velit, neq; lex, quæ illud prohibeat; peccatum vtiq; quod mortem perpetranti generet, esse non potest.

Post vsum itaq; rationis demùm tenetur homo confiteri peccatum mortale: Sed cùm Confessio sit Sacramentũ, non debet per ludũ, aut iocũ tractari, aut administrari. Quare, si non adsint coniecturæ de vsu rationis, non sunt pueri audiendi ea intentione, quasi sit.

fit ibi aliquod Sacramentum, sed instruendi sunt & docendi.

Cum homo non statim post usum rationis teneatur sumere Eucharistiã; quomodo statim post usum rationis obligatur precepto Confessionis? *Quæstio XVIII.*

PRIMO respondeo, quod aliquem habere, vel non habere usum rationis, non potest certo sciri, nisi quibusdam coniecturis; quæ, si probabiles sint, ac utcumque arguant ad esse usum rationis, tenetur puer confiteri; quia nullum est periculum in peccatorum Confessione, etiã ante usum rationis. Ad Eucharistiam autem tantisper non admittuntur accedere, dum liquidò constet, eos usu rationis pollere, idque ne vlla Sacramento fiat irreuerentia.

SECUNDO dico, quod usus rationis non in omnes omnino res primò vim suã exerit: Potest enim quis cognoscere vnum, & non aliud: Nam prius peruenit puer ad tempus, quo potest iudicare de peccatis mortalibus; quàm intelligere tanti Sacramenti mysteriũ, in quo continetur Corpus Christi; quod tamen credere & discernere debet is, qui sumpturus est Eucharistiam.

Teneturne homo, cum peccauit, illud peccatum statim, & sine omni mora confiteri? *Quæstio XIX.*

C 3

Etsi